

Širk je obožavanje nekoga drugog mimo Allaha ili nekoga uz Njega. Širk poništava tewhid, a on (tj. tewhid) je obožavanje samo Allaha Jedinog.

Rekao je Uzvišeni Allah:

وَإِذْ قَالَ لُقْمَانُ لِابْنِهِ وَهُوَ يَعِظُهُ يَا بُنَيَّ لَا تُشْرِكْ بِاللَّهِ إِنَّ الشِّرْكَ لَظُلْمٌ عَظِيمٌ

"Kada Lukman reče sinu svome, savjetujući ga: 'O sinko moj, nemoj Allahu nikog pridruživati, jer zaista je širk ogromna nepravda.'" (Prijevod značenja Luqman, 13)

فَاجْتَنِبُوا الرِّجْسَ مِنَ الْأَوْثَانِ وَاجْتَنِبُوا قَوْلَ الزُّورِ ﴿٣٠﴾ حُنَفَاءَ لِلَّهِ غَيْرَ مُشْرِكِينَ بِهِ ۚ وَمَنْ يُشْرِكْ بِاللَّهِ فَكَأَنَّمَا حَرَّمَ مِنَ السَّمَاءِ فَتَخَطَّفَهُ الطَّيْرُ أَوْ تَهْوَى بِهِ الرِّيحُ فِي مَكَانٍ سَحِيقٍ

"...pa klonite se prljavštine kumira i klonite se lažna govora! (30) iskazujući Allahu čistu predanost, ne pridružujući Mu u obožavanju nikoga! A onaj ko Allahu pridružuje druge - kao da je s neba pao, pa ga ptice razgrabe, ili ga vjetar u daleki predio otpuše." (Prijevod značenja Hadždž, 30-31)

إِنَّ اللَّهَ لَا يَغْفِرُ أَنْ يُشْرَكَ بِهِ وَيَغْفِرُ مَا دُونَ ذَلِكَ لِمَنْ يَشَاءُ

"Allah, doista, neće oprostiti da Mu se širk učini, a oprostit će sve mimo toga kome On hoće!" (Prijevod značenja En-Nisa, 116)

وَلَوْ أَشْرَكُوا لَحَبِطَ عَنْهُمْ مَا كَانُوا يَعْمَلُونَ

"A da su oni širk činili – sigurno bi im propalo ono što su radili." (Prijevod značenja el-En'am, 88)

إِنَّهُ مَنْ يُشْرِكْ بِاللَّهِ فَقَدْ حَرَّمَ اللَّهُ عَلَيْهِ الْجَنَّةَ وَمَأْوَاهُ النَّارُ وَمَا لِلظَّالِمِينَ مِنْ أَنْصَارٍ

"Ko učini širk Allāhu, Allāh će mu ulazak u džennet zabraniti i boravište njegovo će džehennem biti; a nevjernicima niko neće pomoći." (Prijevod značenja el-Ma'ide, 72)

Rekao je Poslanik, صلى الله عليه وسلم :

من لقي الله لا يشرك به شيئاً دخل الجنة، ومن لقيه يشرك به شيئاً دخل النار

"Ko sretne Allaha ne čineći mu širk ući će u Džennet, a ko ga sretne čineći mu širk ući će u vatru." (Muslim)

Iz spomenutih tekstova može se zaključiti, da su četiri glavne karakteristike širka:

- 1) Mušrik je zaalim (nepravedan) prema svom Gospodaru ogromnom nepravdom.
- 2) Allah neće oprostiti mušriku, koji umre bez pokajanja od njegovog širka.
- 3) Allah će poništiti sva dobra djela mušrika.
- 4) Mušriku je zabranjen ulazak u džennet, a njegov vječni boravak će biti u vatri.